



## Proceso de selección para a cobertura con funcionario/a interino/a do posto de asesor xurídico do Concello de Ponteareas e creación dunha bolsa de traballo (convocatoria e bases publicadas no BOP de Pontevedra de 12 de decembro de 2023)

### ACTA DO TRIBUNAL

CARLOS LOPEZ QUINTÁNS (1 para 2)  
Data de Singatura: 15/01/2024  
Secretario  
HASH: 36940631f5483386d6331557d2f564118d

PONTEAREAS  
CONCELLO

Sendo as 13:00 horas do día 15 de xaneiro de 2024,

reúnense no Concello de Ponteareas as seguintes persoas, na súa condición de membros do tribunal de selección do proceso de selección para a cobertura con funcionario/a interino/a do posto de asesor xurídico do Concello de Ponteareas e creación dunha bolsa de traballo (convocatoria e bases publicadas no BOP de Pontevedra de 12 de decembro de 2023)

Presidente: Carlos Potel Alvarellos (asiste telematicamente)

Secretario: Carlos López Quintáns

Vogais:

Ana María Rial Acosta

Ana María Rial Acosta (2 para 2)  
Interventora  
Data de Singatura: 15/01/2024  
HASH: b36965b44c754d0ec2cd05bda7c8dd32a

PONTEAREAS  
CONCELLO

### ASUNTOS QUE SE TRATAN

#### 1º) Realización da proba de galego.

O único dos aspirantes que superaron a proba práctica e non acreditou a posesión do CELGA 4 ou equivalente, é Isidro Suárez Pertierra.

De conformidade co disposto nas bases de selección convocouse a ISIDRO SUÁREZ PERTIERRA para a realización da proba de galego, o luns 15 de xaneiro de 2024, ás 13:30 horas na Casa Consistorial de Ponteareas (Sala do Reloxo, segunda planta).

Tal como dispoñen as bases, este exercicio é eliminatorio e obligatorio. Esta proba será de carácter práctico coa finalidade de acreditar a capacidade de comunicación en galego do aspirante coa cidadanía e terá unha duración máxima de quince minutos e será cualificada cun Apto/Non Apto.

Os membros do Tribunal acordan que o contido desta proba teña en conta os modelos empregados pola Secretaría Xeral de Política Lingüística da Xunta de Galicia, para avaliación de probas orais, CELGA 4.

#### CONTIDO DA PROBA:

A continuación, lea vostede este artigo sobre as competencias en salvamento marítimo e contaminación mariña.





### **"Seguridade e salvamento marítimo das costas galegas seguen a decidirse en Madrid"**

PP e PSOE rexeitaban no Congreso hai agora unha década traspasar a Galiza as competencias de salvamento marítimo e contaminación mariña ao considerar que se trataba dunha atribución que a constitución española outorgaba en exclusiva ao Estado e non é "fraccionábel".

Así o manifestaran os portavoces de PP e PSOE no Pleno do Congreso durante o debate da toma en consideración dunha proposición de lei defendida polo BNG sobre a transferencia destas competencias, o que permitiría unha "maior protección" das costas.

En 2019, e xa no Parlamento galego, o PP vetaba unha proposta nesta mesma liña: reivindicar a transferencia a Galiza das competencias sobre salvamento marítimo. O PSdeG abstívose.

A día de hoxe as competencias en materia de seguridade, salvamento marítimo e loita contra a contaminación seguen sendo xestionadas desde Madrid. A Xunta da Galiza ten competencias en augas interiores mais non fóra do límite de costa, onde se concentra a maior parte do tráfico de mercadorías perigosas e das verteduras que ameazan o litoral galego.

Esta fin de semana, desde a praia onde se coordinaba un grupo de voluntarios e voluntarias contra a marea plástica, a Asociación para a Defensa Ecolólica da Galiza (Adega) reivindicaba que Galiza tivese competencias neses campos.

"A resposta contra unha vertedura e a coordinación dos medios sería máis efectiva se dependera da Administración galega e non do Ministerio. As competencias en vixilancia e salvamento marítimo non están transferidas a Galiza o que introduce un chanzo administrativo más na cadea de decisións que debería ser o máis curta posible, alén de supoñer unha fonte de posible liorta política, como foi o caso", indicaba este colectivo.

Non é a única competencia en cuestión de mar que na Galiza depende de Madrid. A Galiza ten 1.720 km de costa, unha frota pesqueira de máis de 4.200 embarcacións, 128 portos e perto de 20.000 traballadores e traballadoras no sector do mar. Mais non ten un órgano propio para a investigación de sinistros marítimos e as competencias en Salvamento Marítimo seguen en mans do Goberno español.

A traxedia do Vila de Pitanxo é investigada pola Comisión de investigación de accidentes e incidentes marítimos (CIAM), adscrita ao Ministerio de Transportes, Mobilidade e Axenda Urbana. Este organismo, creado en 2008 ten recibido máis de 2.500 notificacións de accidentes marítimos e publicou 400 informes das investigacións, moitas delas sobre sinistros de buques galegos en augas galegas, xa que a Galiza non ten un órgano propio neste eido malia ter as competencias en rías e augas interiores.

A propia Xunta de Alberto Núñez Feijoo desbotou no seu día que a Galiza tivese un organismo con esta finalidade argumentando que xa existía o do Goberno español e mesmo que cabía a posibilidade de que se nomeen para el membros das comunidades, se ben esta decisión corresponde ao Executivo estatal."

FONTE:

<https://www.nosdiario.gal/articulo/social/seguridad-salvamento-maritimo-das-costas-galegas-seguen-deci-dirse-madrid/20240115075158187282.html>

Unha vez a persoa aspirante lea o artigo, os membros do tribunal faranlle preguntas de benvida e de contacto persoal co obxecto de que a persoa candidata se sinta a gusto:

Como se chama?





A que se dedica?

De onde é? Fale un pouco sobre a súa cidade/vila/aldea...

Canto tempo leva estudiando galego? Por que o estuda?

Que lle gusta facer no tempo libre? Que afeccións ten?

Despois destas preguntas terá que fazer unha exposición sobre o artigo, cunha duración de 3-4 minutos aproximadamente. Enunciados sobre os que terá que expoñer:

- A resposta contra unha vertedura e a coordinación dos medios sería máis efectiva se dependera da Administración galega e non do Ministerio?
- As comisións de investigación serven para algo?
- Como se pode acadar unha maior protección das costas?

Unha vez realizada a proba, os membros do Tribunal de Selección acordan por unanimidade outorgar a cualificación de APTO ao sr. **ISIDRO SUÁREZ PERTIERRA**.

## **2º) PUNTUACIÓN FINAL, BOLSA DE TRABALLO e PROPOSTA DE NOMEAMIENTO.**

De conformidade coa base 9ª das bases de selección as cualificacións faranse públicas o mesmo día en que se acorden, no taboleiro de anuncios físico e electrónico da Corporación. A orde de clasificación definitiva estará determinada pola suma das puntuacións obtidas nas fases de concurso e oposición.

### **PUNTUACIÓN TOTAL**

	<b>ASPIRANTE</b>	<b>DNI</b>	<b>CONCURSO</b>	<b>PROBA PRÁCTICA</b>	<b>TOTAL</b>
1º	RAFAEL RIVEIRO ÁLVAREZ	X61X7X2XX	4,00	4,35	8,35
2º	JACOBO MOREIRA FERRO	XX29X29XX	0,94	4,40	5,34
3º	ISIDRO SUÁREZ PERTIERRA	X10X48XXX	0,85	3,00	3,85

As bases 1ª e 9ª disponen que as persoas aspirantes que superen a puntuación mínima de 4 puntos, formarán parte dunha bolsa de traballo que terá unha duración máxima de 3 anos, e que será utilizada nos casos necesarios para cubrir a praza e posto.

As persoas aspirantes quedarán ordenadas por orde de puntuación e configurados coma integrantes da bolsa de emprego para posibles nomeamentos interinos neste posto e en postos adscritos a prazas idénticas en titulación esixida e grupo de clasificación, á que é obxecto de





convocatoria. A duración da citada bolsa de traballo extinguirse no momento que leve a cabo a cobertura definitiva do posto de asesor xurídico.

A bolsa de emprego funcionará segundo o establecido nestas bases, complementado co que disponen as Bases Xerais de Selección de persoal Funcionario interino e persoal laboral temporal no Concello de Ponteareas para a confección de listaxes de contratación temporal, aprobadas mediante Decreto nº 2018-1119 de data 3 de maio de 2018, publicadas no BOPPO nº 97 de data 22 de maio de 2018, cuxo texto consolidado foi publicado no BOPPO Nº 193 de data 5 de outubro de 2018.

**De conformidade co que antecede, a bolsa de emprego para Asesor Xurídico queda integrada polos seguintes aspirantes:**

	<b>ASPIRANTE</b>	<b>DNI</b>
1º	RAFAEL RIVEIRO ÁLVAREZ	X61X7X2XX
2º	JACOBO MOREIRA FERRO	XX29X29XX

O tribunal eleva a sra. Alcaldesa a relación citada por orde de puntuación e as persoas integrantes da bolsa de emprego, **propoñendo a RAFAEL RIVEIRO ÁLVAREZ** para ser nomeado funcionario interino na praza e posto de asesor-letrado, pertencente á escala de Administración Especial, subescala técnica (grupo A, subgrupo A1), do Concello de Ponteareas, Posto con código 01.02.02.01 Asesor Xurídico.

De conformidade coas bases 10ª e 11ª a persoa aspirante proposta para o seu nomeamento, no prazo de cinco días hábiles desde que se faga pública a relación de aprobados coa proposta de nomeamento, deberá presentar de forma electrónica ou ben presencial a través das formas previstas no artigo 16.4 da Lei 39/2015, a seguinte documentación:

—Declaración xurada ou promesa de non ser separado mediante expediente disciplinario do servizo de ningunha Administración Pública, nin acharse inhabilitado para o exercicio de funcións públicas.

—Certificado ou informe médico acreditativo de non padecer enfermidade contaxiosa nin defecto físico ou psíquico que lle imposibilite para o servizo.

A non presentación polo aspirante seleccionado, salvo causa de forza maior debidamente xustificada, da documentación requirida dentro do prazo establecido, determinará a imposibilidade de nomealo, quedando anuladas respecto del as actuacións e decaendo en todos os seus dereitos, pasando ao último lugar da bolsa de emprego. Con carácter previo á adopción da correspondente resolución, darase audiencia ao interesado.

Mediante decreto de Alcaldía procederase ao nomeamento como funcionario/a de interino/a do/a aspirante, estando obrigado a tomar posesión no prazo de 7 días naturais, a partir do día seguinte ao envío da notificación e simultánea publicación no taboleiro físico e electrónico de anuncios do Concello.

Na dilixencia de toma de posesión deberá facerse constar a manifestación do interesado de non vir desempeñando ningún posto ou actividade no sector público delimitado polo artigo primeiro da Lei 53/1984, indicando así mesmo que non realiza actividade privada incompatible ou suxeita a recoñecemento de compatibilidade





Contra este acordo de 15 de xaneiro de 2024 do Tribunal de Selección poderase interpoñer recurso de alzada ante o órgano que designou ao tribunal (Alcadesa) no prazo dun mes, a partir do día seguinte a súa publicación no taboleiro de anuncios do Concello, de acordo co establecido no artigo 121 Lei 39/2015, de 1 de outubro, do Procedemento Administrativo Común das Administracións Públicas.

Contra os actos de trámite do tribunal que non decidan directa o indirectamente no fondo do asunto, poderán ser alegados polos interesados para a súa consideración na resolución que poña fin o procedemento do proceso selectivo.

Sendo as 13:40 horas, levántase a sesión.

O secretario do tribunal

Carlos López Quintáns

O presidente do tribunal

Carlos Potel Alvarellos

A vogal do Tribunal

Ana María Rial Acosta

Documento asinado electronicamente

